



姓韻卷八十

成威張



二十六宥

宥 見正字通

明史郭子興傳復其隣宥氏世世守王墓十六年太祖手書
子興事蹟命太常丞張來儀文其碑滌人郭老舍者宣德中
以滌陽王第四子予冠帶奉祀已而為宥氏所許

宥連氏見官氏志

救 見風俗通

史記衡山王使太子孝客江都人救赫陳喜作翺車鏃矢索
隱云救赫漢書作枚赫

風俗通漢有諫議大夫救仁按氏族畧引作救又又或^云又或
作仁

劉向別錄易家有救氏

穀阮碑陰郡吏有救舉遂興救舅文曜

楊震碑陰有救辯卿

廕

見姓苑纂要路史姓氏考

廕尹氏見姓纂

胄

見姓苑

夙

姓苑夙人姓

晝

見風俗通氏族畧

舊

姓苑舊巨救切

姓苑漢有上黨太守舊疆字仲經中牟人

姓謹舊惟賢普安人正統中任苑馬寺監正

副

見官氏志路史

副呂氏見官氏志

副伏羅氏見魏書唐書

北史阿至羅國王副伏羅越君子去賓來降封為高昌王按
越君一作越居高昌作高車

秀 見姓苑

姓謚秀芳石泉人洪武中任禮部郎中

就 見姓苑

漢律麻志光和三三年詔書下太常其詳案記注平議麻術之

要效驗虛實太常就耽上選侍中韓說博士蔡較穀城門侯

劉洪右郎中陳調于太常府覆校記注平議難問按無極山

碑光四年八月辛酉朔十七日丁丑太常耽丞敏下常山

相云云則耽于三年已為太常也

魏書肅宗紀正光五年就德興反自稱王尋討平之又後魏

書就德興反于營州使尚書盧同往討之大敗而反屬侍中

穆紹與元順侍坐因語同之罪同先有近宅借紹頗欲為言

順勃然曰盧同終將無罪太后曰何得如侍中之言順曰有

好宅與要勢侍中豈慮罪也紹慙不敢復言

西寧志正德間西寧衛指揮就大勳涇縣人

右 見姓纂

鐘鼎款識宋右君教田鼎薛尚功曰疑田獵所用

氏族畧右嘉祥安州司法

氏姓謚右巖廣西人正德中惠州教授

縉紳錄嘉慶時有江西樂平人右雲斗任湖南鹽漕水利通判

右尹氏見氏族畧

右行氏見風俗通

左僖十五年傳晉右行賈筭成十八年傳右行辛為司空使脩士為之法昭二十六年傳子朝之亂右行跪與箕遺樂徵濟師取前城

國策右行楚謂大梁造曰欲決霸王之名不如備兩周智辨之士按高誘本作右行秦周人大梁造即大良造也

風俗通漢有御史中丞右行綽

右宰氏見姓苑

左隱公二年傳衛人使右宰醜涖殺州吁于濮又云右宰穀自言狐裘羔袖

孔叢子卬成子自魯聘晉過于衛右宰穀臣止而觴之陳樂而不作送以寶璧反過而不辭其僕曰日者右宰之觴吾子甚歡也今過而不辭何也成子曰夫止而觴我與我歡也陳

樂而不作告我哀也送我以璧寄之我也若由此觀之衛其
有亂乎背衛二十里聞甯喜作亂右宰死之還車而臨三
舉而歸反命于君乃使人迎其妻子隔宅而居之分祿而食
之其子長而反其璧夫子聞之曰智可與徵謀仁可以託孤
廉可以寄財者其卣成子之謂乎按此事亦見呂氏春秋
右師氏見世本廣韻

廣韻漢有中郎將右師譚按息夫躬傳哀帝崩有司奏右師
譚等皆造作姦謀罪及王者骨肉雖蒙赦令不宜處爵位在
中土皆免徙合浦郡荀悅紀封右師譚為關內侯以告東平

反故也漢書譚為中郎擢為潁川都尉非中郎將也孫愐誤
益將字

後漢書博士右師細君包咸師事之習魯詩論語

伏隆傳獲索賊右師即注右或作古按漢書光武紀注古師
即伏隆傳作右師即作右師者是

太尉楊震碑陰有涿郡右師子操

列女傳會稽右師安妻者同郡呂氏之女也名單少寡無子
守義不遷其兄遂犯法匿之知不能免乃泣曰少遭家不造
兄弟單少門宗惟兄為主而復罹此禍我有一計猶足難免

將詣縣陳之兄曰其計若何軍曰臨時從宜不可先言也乃請智者為辭乞代兄遂之命因自到縣門官嘉其義乃捨遂罪

右公氏見辯證

印藪漢有右公弼

右史氏見世本

世本周有右史或按或作史氏

右扈氏見姓苑

右閭氏見姓苑

右南氏見姓苑

右主氏此姓諸書無今補

呂氏春秋秦小主夫人用奄變羣賢不悅自匿百姓鬱怒非

上公子連亡在魏聞之欲入因羣臣百姓從鄭所之塞右主

然守塞弗入曰臣有義不再主公子勉去矣後從焉氏塞茵

改入之立為獻公怨右主然而將重罪之德茵改而欲厚賞

之監突爭之曰不可秦公子之在外者思若此則人臣爭入

亡公子矣此不便去獻公以為然故復右主然之罪而賜茵

改官大夫

右歸氏見潛夫論

又見姓苑

甘肅志又尚珍字寶國隴西人宣德中任南京豹韜衛經歷

祐見姓苑

富見姓纂

左僖三十二年傳富辰言于王請召大叔後率屬死于翟人

之難

左昭三十二年傳王使富辛石張如晉請城成周

姓纂鄭大夫有富子猶按左昭十六年傳晉韓起聘鄭鄭伯

享之孔張後至立于客間客笑之事畢富子諫子產曰夫大

國之人不可不慎也幾為之笑而不陵我我皆有死夫猶鄙

我國而無死何以求榮孔張失位君子之恥也是富子不若

猶也林氏誤

衛策衛嗣君病富術謂殷順且曰子聽吾言也以說君勿益

損也君必善子

趙策富丁欲以趙合齊魏樓緩欲以趙合秦楚注丁趙人按

或靈王使富丁之魏

楚策或謂黃齊曰人皆謂公不善于富摯注摯楚人

漢書虞延傳陳留太守富宗性奢靡車服器物多不中節延
諫之宗不說後宗果以侈縱被誅臨當伏刑擊涕而嘆曰恨
不用功曹虞延之諫

風俗通漢有富畱人為公田使者

楊著碑陰有故民富弘

楊震碑陰有梁國富公輔

後秦錄姚泓尚書郎富允文以儒術侍講

晉書張輔帳下督天水富整

宋書恩倖傳有富靈符封惠懷子

唐書武后紀以大將軍富福信為奇兵總管以禦突厥

唐書富家謨武功人舉進士官晉陽尉與新安吳少微魏郡

谷倚並負文詞稱北京三傑張說評家謨文如孤峯絕岸壁

立萬仞濃雲鬱興震雷迅發誠可畏也若施于廊廟則駭矣

嘉謨作雙龍泉頌千燭谷頌預脩三教珠英為左臺監察御

史卒有文集五卷

宋史富弼字彥國河南人官同中書門下平章事集賢殿大

學士子紹宗供備庫副使紹隆光祿寺丞紹庭祠部員外郎

孫直柔字季仲官諫議大夫

富父氏見左杜注路史

左文十一年傳鄭瞞伐我富父終甥駟乘獲長狄僑如富父終甥搥其喉以戈殺之

哀三年傳桓僖災富父槐至曰無備而宮辨者猶拾潘也于是乎去表之藁道還公宮杜注槐富父終甥之後

富宜氏見路史

富陵氏見官氏志

富吕氏見官氏志

俞 按宜入七虞韻

俞豆氏見氏族畧按一作愈豆

繡 此姓諸書無今補

漢書游俠傳有馬領繡君賓按急就章賓作實非

授 見姓苑

姓苑漢有授異眾丹陽人按亦見集古印謚

漏 見姓謚

五代史宋有漏恭朝行軍司馬按朝字一作期

氏姓謚漏瑜字文瑀山陰人有詩名正德貢士漏真山陰人

和治中溧水縣教諭按明入詩話侍御漏瑜潛跡江湖締交

者舊宣德中在烏墩為九老之會

陸圻麗京冥報錄漏志高錢塘太平坊人年四十歲縫皮為
匠其人謹厚謙抑聰穎識字忽為鬼句去乃是冥句湖州滿
志高而誤攝之也

督 按此非姓氏族畧誤宜刪

賀 見姓苑路史

姓苑漢有博士賀充國字德卿按亦見集古印謚

印藪漢有賀喜

鄒 見姓苑

姓苑東漢有鄒攷

候 見氏族畧

者

氏姓謚者秉彛漢州人弘治中任龍南縣丞按明孫欽古微
書叙目有參閱者海來官龍南丞海來係是字當即秉彛也

幼 姓苑幼人姓

列仙傳幼伯子者周蘇氏客也冬常著單衣盛夏著襦袴形
貌歲異後數十年更壯時人莫知世世來誠祐蘇氏子孫得
其福力也

集古印謚漢有幼安

茂

魏書西部泣黎大人茂鮮叛走遣南部大人長孫嵩追討大破之

甘肅志茂彪慶陽後所人性明敏有俊才登景泰五年進士擢監察御史嘗糾儀奏失儀者聲音如雷百官憚之尋升山東按察司僉事明法律識治體兼通醫術刻經史類證行于世彪字宗彝按凌氏作甲戌進士又一作癸酉

山東志茂鎮字靖之嘉靖中山東副總兵

陝西志茂有績高苑人嘉靖甲申任陝西洛川縣丞

陝西志茂承貞綏德人萬曆中任山西倒馬關參將

茂眷氏見孔至雜錄按宜作茂眷

寇 見風俗通陳畱風俗傳韻謚

列仙傳宋景公時有寇先以釣魚為業居睢水旁百餘年好蒔荔支日取肥實食焉景公問其道不言殺之按一作寇先漢書寇恂字子翼上谷昌平人官河內潁川太守封雍奴侯水經注魏景初二年二月帝遣都督沙丘部監運諫議大夫寇慈率工五千人歲常修治底柱以平河阻

前秦錄會大雨霖河渭汎溢蒲津監寇登于河中得大履一
隻長七尺三寸足跡稱履指長尺餘

後秦錄姚泓時寇讚字奉國上谷人父修之因難徙馮翊為
安南將軍

周書驃騎大將軍開府儀同三司寇儁讚之孫也少有學行
家人常賣物多得絹五疋儁于後知之曰得財失行吾所不
取訪主還之敦睦宗族與同豐約教訓子孫必先礼義自大
統中稱老疾不朝謁世宗虚心欲見之儁不得已入見引之
同席而坐載以御輿

丹陽志寇文禧陝西中部縣人嘉靖初以監生任丹陽縣本
身立教有古人風生徒貧者周恤之嘗攝賑荒事公廉服人
未幾請告臺府重其恬退勉留之不得

繆 索隱云繆止救反詳見屋韻

戰國策趙有宦者繆賢按蘭相如因繆賢以進

漢儒林傳蘭陵繆生索隱云繆止救反繆氏出蘭陵一音穆
所謂穆生為楚元王所礼也

繆 見路史按通鑑注靡幼反與繆同

郊祀志亳人繆忌與李少君同勸武帝求神仙奏祀太一之

方帝令立太一祠于東南郊

氏族畧晉謬越有孝行宋有謬潛懷州人登科

江南志謬讓長洲人永樂進士

陝山西志謬志弼五臺人弘治中上林苑監典簿

懋
見姓苑

氏姓謚懋國輔內丘人萬厯間任山西參將

甘肅志懋毅南昌人由舉人萬厯年間任慶陽知府

豆
見路史

衛青傳漢武帝時枝慰豆如意以伐匈奴功封關內侯

西秦錄乾歸太初二年鮮卑豆留騎叱豆渾及南上鹿結並

休官曷呼奴盧水尉地拔並率眾來降皆署其官爵後叛降

秦

後魏書右衛將軍豆代田善射以討和尤功封長廣公子求

周錫壽為吏部尚書子多侯襲壽按後魏書豆代田從討平

涼擊破赫連定得奚斤等世祖以定妻賜之詔斤膝竹行授

酒于代田勅斤曰全爾命者代田功也又按代田初為三郎

伐夏之役代田乘勝入西宮宮門閉代田踰宮垣而去魏主

拜為武勇將軍

氏姓謚豆長宣昆明人洪武中任河南衛千戶豆草獲鹿人
宣德中任安塞縣主簿豆緒壽光人嘉靖中任壺關縣訓導
陝甘肅志豆斌固原人雍正八年任陝西右營游擊
縉紳錄雲南昭通府鎮雄州學正豆煥宣州人廩貢
豆盧氏見周書

後魏書原州人豆盧狼害都督大野樹兒等據州反州人李
賢乃招集豪傑謀乘野夜攻之羣賊大驚遁走追斬之

周書豆盧宣字永安昌黎徒河人高祖勝以燕皇初歸魏授
長樂郡守父萇魏柔元鎮將有威重見稱于時宣少驍果有

志氣身長八尺美姿容善騎射先從爾朱天光繼從侯莫陳
悅後歸周文帝歷官驃騎大將軍後拜大將軍羌帥傍乞鐵
忽及鄭五醜等反叛宣討平之武成初出為同州刺史保定

四年授岐州刺史從軍薨謚曰昭初宣未有子養弟承思一作

思子勣及生子讚親屬皆請讚為嗣嗣宣曰兄弟之子猶子

也吾何擇焉遂以勣嗣時人多之弟承思少有識度與宣俱

歸周文屢從討征有功進位驃騎大將軍孝閔時授鄯州刺

史謚曰敬子通嗣讚以宣勳建德初累遷開府儀同大將軍

進爵武陽郡公勣字定東生時周文親幸宣家稱慶時遇新破

齊軍周文因字之曰定東周明帝受禪授稍伯下大夫開府儀同三司明帝時為左戎伯中大夫自以經業未通請解職游露門學帝嘉之勅以本官就學為渭州刺史時大致祥瑞鳥鼠山俗呼為高成隴其下渭水所出其山絕壁千尋由來乏水諸羌患之勅馬足所踐飛泉涌出有白鳥翔止廳前乳子而後去有白狼見于襄武人為之謠曰我有丹陽山出玉漿濟我人夸神鳥來翔百姓因號其泉曰玉漿泉隨文帝為丞相益州總管王謙作亂時勅為利州總管嬰城固守謙將達奚基等攻之起土山鑿城為七十餘穴堰江以灌之勅戰

士不過二千晝夜相距經四旬梁睿軍至賊解去開皇中為夏州總管卒謚曰襄子賢嗣位顯州刺史大理少卿武貴郎將次子毓又勅之兄名通字平東一名會宏厚有器局在周時歷武貴中大夫北徐州刺史及高祖為丞相尉遲迥作逆遣其所署莒州刺史烏丸尼率眾來攻通逆擊破之進位大將軍隨開皇初拜夏州總管人稱寬惠謚曰安有子寬按寬隨文帝外孫為梁泉令高祖定關中進款屢擢殿中監頡利碑云寬為靖難平狄清夸靜難軍節度使殿中監與將軍趙綽護送突厥

周書豆盧毓字道生勳子少英果有氣槩煬帝即位漢王諒作亂苦諫不從因謂弟懿曰吾匹馬歸朝自得免旤此乃身計非為國也今且偽從以思後計毓兄顯州刺史賢言于帝曰臣弟毓素懷志節必不從亂但逼凶威不能克遂臣請從軍與毓為表裏帝許之賢密遣人至毓所因與司馬皇甫誕及開府盤石侯宿勤武等閉門拒城部分未定有人告諒諒攻之城陷見害子願師嗣

隨書王世充僕射豆盧行褒降唐唐殺之以行褒常殺唐使者也

隨經籍志豆盧晃九宮要集一卷

唐書豆盧欽望萬年人祖寬隨文帝外孫為梁全泉令高祖定關中與郡守蕭瑀率豪姓進款擢殿中監子懷讓尚萬春公主詔寬用魏太和詔去豆姓著盧貞觀中遷礼部尚書左衛大將軍芮國公卒謚曰定復其舊姓欽望累官越州都督司賓卿中宗復位擢尚書左僕射平章軍國重事居宰相積十餘年張易之武三思等觖冀非常不能有所裁抑謹身自全而已

舊唐書王守澄奏得本軍虞侯豆盧著狀告宋申錫與漳王

謀反按新書貶申錫為開州司馬擢豆盧著為殿中御史
唐書豆盧瑑字希真河南人祖愿父籍皆以進士擢第瑑登
大中十三年進士乾符中累遷戶部侍郎學士承旨六年與
吏部侍郎崔抗同日拜平章事宣制日大風雷雨拔樹及黃
巢犯京師從僖宗出開遠門匿于張直方家為盜所害識者
以風雷不應之兆弟瓚瑑皆進士登第累歷清方子草莊宗
中興位亦至宰輔以天下多故服丹砂練氣以求長生按唐
郎官石柱題名有戶部郎中豆盧瑑即此人

按杜工部有同豆盧峯知字韻詩柳宗元集有送豆盧膺秀
才南游詩序

傳載豆盧署本名輔貞少年旅于衢州鄭式瞻厚待之謂曰
子複姓不宜二名乃書署著助三字授之使自擇夕夢老父
曰聞使君與君易名君當四舉成名四者甚佳又云後二十
年君當牧茲郡後果為衢州刺史于所夢之地立徵夢亭按
郎官石柱題名有祠部員外郎豆盧署按後唐檢校戶部郎
中賜紫金魚袋豆盧昇又豆盧靖與論僖等出為刺史閱旬
追還詔書元稹諫之

錄異記韋皋鎮蜀與客宴郡西亭虹蜺垂庭吸其酒且盡首

似驢鼻惡之豆盧順在座曰此祥符也按太平廣記作豆盧
署唐又有豆盧田能詩

宣和書謚豆盧草史失其世系遭五代離亂辟地廊延守中
山王處直辟為幕官同賦牡丹草以桑柘對處直雅器重遷
節度判官唐莊宗講求賢相或以草名家子舉之遂召拜左
丞相按唐書草乾符中宰相瑒之子歐史豆盧草之父瓚為
唐舒州刺史唐末之亂草避地中山為王處直判官是宣和
書謚言史失其世系者非矣其子昇官檢校尚書禮部郎中
明宗貶草為費州司戶停昇官

陝西志豆盧志靜開成時為坊州刺史

竇 見風俗通

世系表少康二子曰杼曰龍龍畱有仍遂為竇氏龍六十九
世孫鳴犢為晉大夫葬常山及六卿分晉竇氏遂居平陽鳴
犢生仲仲生臨臨生亶亶生陽陽生庚庚生誦二子世扈世
生嬰漢丞相魏其侯也扈二子經克經秦大將軍生甫漢孝
文皇后之兄也克避秦之難徙居清河漢贈安成侯葬廣津
二子長居廣國廣國字少君封章武景侯二子定誼誼生竇
襲章武侯宣帝時以吏二千石徙扶風平陵按漢書廣國二

子完良并表不同

漢書光武時河西大將軍竇融字周公為大司空融弟子固為大將軍融元孫成亦大將軍

隨竇熾傳漢大鴻臚章十一世孫章子統靈帝時為雁門太守避竇成之難亡奔匈奴遂為部落大人後魏南徙子孫遂家于代賜姓紇豆陵氏按熾兄善熾兄子毅

輿地志陵陽令竇子明于谿側釣魚偶一日釣得白龍子憐而放之後數年又釣得白魚剖其腹中乃有書教子明燒煉食餌之法三年後白龍來迎子明遂得上昇集仙傳子明銓

鄉人弟子安問兄釣魚何在曰投于谿中後安死有黃鶴栖冢樹呼子安子安從地躍出乘鶴而去按佗書皆以陵陽為姓不知子明原姓竇也

竇公氏見風俗通

風俗通魏文侯時樂人竇公氏獻古文樂詩書一篇按桓譚新論余前為王翁曲樂大夫得樂家書記言文帝時得魏文侯時樂人竇公年百八十歲兩目皆盲文帝奇之問曰何所服食而至此對曰臣年十三失明父母哀其不及思技教鼓琴臣導引無所服餌

鬪 見春秋人謚

劉恕通鑑外紀帝既受河圖得其五要乃設靈臺立五官以
叙五事命臾區占星鬪苞授規正日月星辰之象于是乎有
星官之書

按伐隨之役鬪丹獲其戎車事在桓公八年鬪廉即鬪射師
圍鄭事在桓公九年令尹鬪祁與屈重除道梁澆營軍臨隨
者事見莊公四年鬪緡尹權事在莊公十八年鬪御疆鬪梧
鬪班與子元伐鄭事在莊公二十八年鬪穀於莒為令尹毀
家紓難在莊公三十年鬪射師鬪章因鄭聃伯事見僖公二

年鬪克與屈禦寇以申密之師伐高密注鬪克申公子儀事
在僖公二十五年鬪宜申與成得臣滅夔注司馬子西也事
在僖公二十六年鬪椒自石溪伐庸事在文公十三年令尹
子文卒鬪般為令尹事在定公四年楚子使鬪韋龜城賴注
韋龜子文之孫事見昭公四年鬪成然字子旗為令尹王
殺之使鬪辛居鄆以無忘舊勳事見昭公十三年鬪辛之弟
鬪懷辛之弟鬪巢見定公元年

國語鬪且庭廷見令尹子常注鬪且楚大夫子常子囊之孫
囊瓦也

鬪比氏見英賢傳

鬪疆氏見世本姓苑

鬪文氏見姓苑英賢傳

鬪班氏見世本

鬪門氏見世本路史

世本楚大夫有鬪門陽按楚一作陳

鬪穀氏見姓苑

左莊公三十年傳鬪穀於菟為令尹自毀其家以紓楚國之難注令尹子文也

鬪者氏見世本英賢傳

鬪乳氏見姓苑

鬪于氏見姓苑

鏤 見姓苑

筮

筮侯氏

姓苑漢有筮侯儒標此說誤宜刪

戊 見路史

戊地氏見唐書西域傳

紬 見姓苑

琇 見姓苑

詒 見姓苑

蔺 廣韻蔺姓也姓苑音漏

陋 見姓苑

莠

莠尹氏見左杜注

左昭公二十六年傳吳伐潛楚莠尹然工尹麋帥師救潛又二十九年傳楚使監馬尹大心逆吳公子掩餘燭庸使居養

莠尹然左司馬沈尹戌城之

褒 見官氏志

穠 見姓苑

儗 此姓諸書無今補

素問上古使儗貸季理色貸季理色脈而通神明王冰注儗貸季歧伯祖世之師

沁 二十七沁

沁 見姓苑

蔭 此姓諸書無今補

道光十三年有歸德府訓導蔭棠開封人見縉紳錄

禁 見姓苑

甘肅志禁神靈州人精咒法能禁瘡毒及蛇蟲諸害每日持水向四方咒祝願十里之內人畜不罹諸害

二十八勘

闕 見釋例

左哀六年傳齊闕止陽生家臣子我也與田常為亂史記作

監止

隸釋漢碑有掾位丹水闕止祇元威

馮 馮煥殘碑陰有士曹史闕揚字成節潁川人

汝南先賢傳闕敞平輿人不昧太守第五常所寄錢按一作

闕敞

吳志闕澤字德潤句章人舉孝廉為錢塘長嘉禾令累官中書舍人太子太傅每朝廷大議經典所疑皆咨訪之幼夢月中見已名字尤通麻數

後魏書闕爽立國于高昌

後魏書闕駟字予隆陰敷煌人著十三州志博通經籍沮渠蒙遜重之為著作郎父玖姑蘇令

通鑑柔然攻高昌殺沮渠安周滅沮渠氏以闕伯周為高昌王高昌稱王自此始伯周卒子義成立其從兄首歸殺義成自立

唐書闕稜章丘人善用兩刀刀長大名曰拍刀一揮殺數人從杜伏威入朝拜左領軍將軍越州都督趙王孝恭誣以謀反誅

十國春秋楊行密將有闕旻吳越有闕璠官統軍使性專而復國人惡之者眾王亦惡之程昭悅乃以璠為明州刺史按璠明州人

氏族畧闕洞尚書郎熙寧進士開封人又有闕洙登科興國軍人

元史闕文興建康人常從軍漳州為招討司知事陳吊眼盜起元帥完者都遣文興討之死于陣

氏姓誼闕雲崑山人成化舉人官知縣闕繼禹四川人嘉靖進士官知府

江寧志闕月桂生平多隱德家開貨舖有隣人子乘夜踰牆入舖竊數十金去舖中人察其踪跡以告桂桂不信越旬日竊復至舖人執之送之官官召桂質之桂曰此吾隣良家子

以通家讓而來豈可誣以竊遂置不問此子旋改行成家往
往述其事于人後月桂舉一子六歲遇鮑家樓牆崩壓焉良
久出土塊中未少傷損人以為善報云

淡 見姓苑

唐書王鎔感李匡威援助之恩迎入府城築第居之後以匡
威忌日鎔往弔之匡威陰遣部下伏甲劫鎔禽其府屬楊洽
及親吏淡從

宋福壽碑有雲陽縣湛然居士淡坤

氏姓謚淡成鄖人洪武三十四年革除時官海鹽知縣淡源

海康人永樂舉人淡瑞廣西人宣德間任汀洲府推官淡素

涇陽人景泰丙子舉人官莘縣知縣按一作淡恭誤

蘭州志明淡廣貢生任饒陽縣知縣

澍己未科進士同年淡士濤士淳其父名若水任江蘇蕪湖

同知兄士灝任四川敘州知府姪芬任直隸東明知縣又四

川廣安州舉人淡景符嘉慶時任湖北通城縣

淦 見池北偶談

氏姓謚宋淦安曲江人知靖州

江西志明淦君鼎號四極建昌人崇禎歲貢選贛州府學司

訓丙戌吉州陷謂其長子宏斌曰我與城止丘壠可念死之
次子宏祐傷箭不起三子宏祉罵賊被殺

通州志順治二年通州教諭淦守實江西人

題名錄淦良繪南康府建昌縣人乾隆乙丑進士

二十九豔

念 見通鑑注

晉書樹若_洛干之母念氏聰慧有姿色生慕瑣慕延烏紇堤妻
之有寵遂專國事有膽智國人畏服之

西魏書太傅念賢字蓋盧金城枹罕人美容質頗涉經史少

時有善相者過諸生競詣之賢笑曰男兒死生富貴皆前定

何用相為居父求就喪哀毀以孝稱後以軍功封屯留相伯

從爾朱榮入洛兼尚書右僕射大統中官至都督秦河二州

刺史子彘性和厚有長者風官至開府儀同三司河州刺史

按通鑑念賢為爾朱兆腹心領降戶家屬別為營高歡偽與

之善觀其佩刀因取殺之然念賢後仕于西魏貴顯此豈別

有一念賢耶李百藥北齊書歡取賢佩刀以殺其從者則賢

固未嘗死也

五代史天成三年吐渾使念九來四年使首領念公山來晉

天福中使首領念相里來朝又有念醜法念麾虎皆來朝
宋史太祖時有深州刺史念金鏐與孟元喆帥兵屯定州
題名錄念泰來字開父東陽人登崇禎六年癸酉陸希韶榜
漢中志念誼鳳縣人官通判

瞻

此姓諸書無今補

元史瞻思字得之其先大食國人後家真定至元二年拜陝
西行臺監察御史上封事十條皆羣臣不敢言者戚里有執
政陝西行省者恣為不道瞻思發其罪而按之輒棄職夜遁
有詔勿逮問然猶杖其私人

三十簡

監

見風俗通

韓子宋之富賈監止子者與人爭百金之璞因佯失而毀之
負其百金而埋其毀得十鎰焉

史記田齊世家監止為齊簡公相注監一作闕國策簡公用
田成監止而簡公弒

呂氏春秋秦有監突諫獻公之罪右主然

風俗通漢有監居翁按功臣表湘成侯監居翁以南越桂林
監聞漢兵破番禺諭甌駱民四十餘萬降侯又按宜姓居名

翁監為官名也表又云益昌嗣坐為九真太守使人出買犀
奴婢臧百萬以上不道誅

晉書利鹿孤使記室監魏聘段業

統謚漢監正字日利涇州人按集古印謚作監心

魏書後魏時監伯陽清河人頓丘董徵從之受論語毛詩春
秋周世宗詔董徵教授京兆清河廣平汝南四王其名經源

始于伯陽焉按李彪傳彪亦受業于長樂監伯陽

氏族畧宋登科有監曰恭監長世監由

監尹氏見氏族畧

鑿

見姓苑

氏姓謚鑿文獻徐州人性敏有學識洪武中選人永樂中思

惟舊臣而文獻已物故官其子善為南京南城兵馬指揮孫

昭由太學生任福建行都司斷事

鑑

見千姓編

氏姓謚鑑復明濟陽人洪武中任江陵知縣興學勸農

氏姓謚鑑博霄山東樂安舉人洪武二十年任主事

梵

見姓苑

隨書林邑王梵志遣兵守險劉芳擊走之八日至其國都梵

志棄城走入海獲其廟主十八皆鑄金為之
氏姓謚梵禹俞連江人紹興進士按俞一作餘

姓韻卷八十一

入聲

或威張 澍篡

一屋上

屋 見後魏官氏志

東觀漢記班超斬匈奴節使屋賴帶副使比離首及節

魏書拓拔珪追擊柔然于大磧南林山下大破之虜其半部

別師屋擊遁走長孫嵩斬屋擊于平望川

魏書太祖討紇突隣部其大人屋地鞬舉部歸降

屋廬氏見孟子

廣韻孟子弟子名連姓萇屋廬子著書言彭聃之法晉賢人
按孟子外書屋廬子曰無為而治何如孟子曰有心于無為
非無為也虞舜先勞而後逸者也注屋廬子先為黃老之學
故以清靜無為為問孟子恐其有流弊故舉虞舜以告之
屋蘭氏諸書無此姓今補

章帝紀北匈奴屋蘭儲率眾降按屋蘭地名見前漢地理志
此以地為氏者

屋引氏見北魏書

西秦錄乞伏國仁以屋引出支為右相乾歸以鎮西將軍屋
引破光為河州牧鎮枹罕又乾歸奔禿髮利鹿孤南羌梁弋
等密遣使來招乾歸將應之其臣屋引阿洛以告晉興太守
陰暢暢白利鹿孤後乾歸奔枹罕降于秦按屋引破光今西
秦錄作屋列破光又一作屋和破光皆訛

魏書屋引副升牟妻是豆運地萬年二十許為醫巫假託鬼
神

魏書高車彌俄突遣其莫何去汾屋引叱賀真貢方物

姓萇魏行臺右僕射屋引業生通通生容容生浴浴生永達

唐梁王府統軍

氏族畧唐有雲麾將軍屋引宏生統軍豐豐生渭南郡公封
按宰相世系表唐雲麾將軍弘江府統軍渭源縣公豐即其
後也蕭智漢引云唐屋引豐生洪仁府統軍封渭源縣公鄭
蕭二說皆誤

屋南氏見複姓錄按宜是屈南氏此誤宜刪

木 見北史姓纂路史

列仙傳木羽鉅鹿南和縣人母貧主助產嘗探兒生開眼視
母大笑母乃驚怖仍夢見大冠赤幘者守兒曰此司命君也
當報汝使汝子木羽得仙

印藪漢有木仁

王儉七志云木箒字子虛廣川人作海賊為楊駿主簿

晉書木檠著戰國策春秋十二篇一作二卷左史六卷見七錄

按隨唐志作李檠誤

西秦錄安東將軍木奕干擊吐谷渾樹洛干破其弟阿柴于

堯杆川

前燕錄慕容儁時有鄴城賊首木穀禾捕誅之按一作木骨

和

南齊書百濟王牟大奏曰魏虜侵界遣大將木干那等破之

干那前預軍功又拔臺舫為行廣威將軍面中侯

博異志木師古貞元初宿金陵精舍殺二蝙蝠知有服練術入赤城山不知所終

唐書地理志定州新樂縣有木刀溝有民木刀居溝旁因名之

氏族畧木爰開封人熙寧登科木輅温州人崇寧登科木待問字蘊之永嘉人隆興初進士第一官至礼部尚書按中興館閣錄秘書省蓬巒碑係木待問書

又木輒元符進士京西提舉木輓崇寧進士知贛州均瑞安人木楹字濟之濟南人建炎登科官浙東帥府參謀終右朝請大夫居官皆有惠政木天駿字德遠登嘉熙第教授永州發明張栻之學知閩縣有政聲

氏姓謹木景芳瑞安人洪武初以明經薦于朝試陽舒陰慘論稱旨授國子監學錄升助教木寅洪武初官歸善知縣長於撫字民德之木昱錢塘人成化中六合縣教諭木訥亦錢塘人永樂辛卯浙江解元永樂戊戌進士

列朝詩集木青號松鶴木公恕之曾孫能詩善書

甘肅志木元瑞狄道人萬厯中任雲南永昌衛指揮

安樂岳縣志木叢奇永昌舉人萬厯中任安岳教諭
木門氏見英賢傳

英賢傳說苑云衛有大夫木門子高樓今說苑無之
木易氏此姓諸書無今補

後魏書木易干為多蘭部率有武力勇壯遣常山公遵討之
于高平將數千騎遁走

木丸氏此姓諸書無今補

前燕錄鮮卑素喜連木丸津等託欲為東奔校尉李臻報仇
實欲因以為亂封釋懼不能討請與連和連津不從

木骨閭氏見北魏書

竹

見姓謚路史

異錄隨并州孟縣竹永通貨寺粟六十石久不還索之則于
佛堂誓云若未還當于寺作牛後寺生一黃犢足有白文是

竹永通字

唐書竹承構官侍御史內供奉開元末為宣州刺史戢奸黜
貪與班景倩同風時有班竹之號弟承基洪州刺史

宣室志陳蔡間民竹季貞卒十餘年矣後里人趙子和亦卒
數日忽寤即起馳出門其妻子驚前訊之曰我竹季貞也安

識汝今將歸我家既而語音非子和矣妻子隨之至季貞家
見子和來以為狂疾罵而逐之子和曰我竹季貞也卒十一
年今乃歸何拒我也其家領其語果季貞也驗其事又季貞
也妻子駭異請之言假子和之屍以生也
麻姑仙壇記有竹務歎

按唐末有成州刺史竹文晟見薛廷珪文

聞見志唐末畫人竹虔長安人工畫佛道人物僖宗時為翰
林待詔廣明中扈從入蜀故長安成都皆有畫壁

薛五代史斬宋州巡檢供奉官副都知竹奉璘于宣陵縣坐
盜掠商船不捕獲也

聞見志竹夢松李後主時人善畫人物子女

氏族畧宋進士竹滋開州人六一集有集士張谷娶竹氏
氏族考元竹貞大同守將按竹貞擴廓部將也

氏姓謹竹祥昌黎人洪武中大僕寺卿竹密廬山人萬麻間
知城步縣縣西蓮箭山多奸宄為行惠密請置堡撥軍防守
遂成坦途竹堅貞汝陽人弘治中任邳州州判官

涇陽志竹綠漪涇陽人順治辛卯進士竹林賢涇陽人乾隆
間任中衛教諭

四川志竹為儀雅州拔貢任資陽縣教諭

竺
見姓苑廣韻

廣韻後漢樅陽侯竺晏晏孫竺固為後漢侍中至晉竺毅自
莒縣徙始平按竺晏范書作竺嬰曾弟也竺曾為酒泉太守
以弟嬰殺人去郡竇融承制拜曾為戎鋒將軍善文云曾字
巨公東觀記曾拜嬰報怨殺屬國侯王胤等

西域傳宣帝遣謁者竺次送馮夫人燎至西域

東方朔外傳竺法蘭識昆明池之劫灰

王韶孝子傳竺彌字道綸本外國人居吳興父生時畏雷每

至天陰伏墓哭悲有白兔在其左右父母止哀痛瘠毀冬不
衣袴襦

按晉書西平太守竺恢官新平太守時固守不降劉聰又有
輔國將軍竺謙之高平相竺朗之皆劉牢之北府舊將桓子
殺之又下邳相竺和之扶風太守竺奕桓溫督護竺瑤與燕
秦兵戰于武丘破之後為益州刺史宣朔將軍江夏相東莞
太守竺珍降于石勒

後趙錄石遵遣中黃門竺昌蒲請道安入峯林園廣脩房舍
後趙錄劉光祚于爰赤眉家頗見其妖怪轉相傳惑京兆樊

經竺龍等聚眾于杜陽山僭稱皇帝

南燕錄沙門竺朗善占候德使牙門蘇撫問之曰潘尚書聽之議興國之言也又以周易筮之曰燕哀庚戌年則一紀世則及子

宋書義宣荊州司馬竺超民有富貴之望欲倚藏質威名以成其業勸義宣從其計按超民夔之子景平元嘉之間夔守東陽有功常救張暢之死夔為青州刺史也

宋書兗州刺史竺靈秀按靈秀為宣遠將軍有罪誅于彭城魏書王肅傳誦弟衍篤于交舊有故人竺毓于西兗為爾朱

仲遠所害其妻子饑寒行置之于家

魏義橋石像碑陰有竺永宣

陳書中書舍人竺景秀

隨書經籍志竺道真作羅浮山疏竺枝作扶南記按一作竺芝天竺人又按唐經籍志竺暄撰食經十卷

史崇妙門由起序唐有銀青大夫行黃門侍郎昭文館學士上柱國贊皇縣開國男竺人

名畫記唐有竺元標善畫寺壁禽獸

北夢瑣言成汭婦翁竺孔章乃餅匠也言多不遜汭手刃之

氏族畧宋有竺大年字耕道奉化人性行嚴重著有孔記訂
義又進士竺貺

氏姓謹竺源江陵人洪武中光州訓導竺均孔嶸縣人永樂
中以老人任東光知縣竺淵字弘道奉化縣人宣德癸丑進
士由員外升福建參議奉勅守銀坑諭處州賊為葉宗留殺
害竺潮潛江人正德舉人任推官

縉紳錄竺之侃鄞縣人進士嘉慶時官金華府教授

竺舟氏此姓諸書無今補

南史婆皇國王舍利婆羅跋摩于宋孝武孝建三年遣長史

竺那婆智獻方物以婆智為振武將軍後又貢以為駭龍驤
將軍

目
見姓苑

神仙傳目儀能呼百鳥之名為西王母侍者

四川志目驥內江人紹定進士按今新志作貞驥訛

目夷氏見世本潛夫論姓纂

服
見風俗通

戰國策馮忌曰客有見人于服子者已而請其罪服子曰公
之客有三罪望我而笑是狎也語而不稱師是倍也交淺而

言深是亂也

漢藝文志易家服氏二篇劉向別錄云服氏齊人號服光
風俗通漢有江夏太守服徹後漢九江太守服虔注漢書河
南人按徹氏族畧引作徵誤虔字子慎初名重又名祇後改
為虔滎陽人作春秋左氏傳解又以左傳駁何休之所駁漢
事六十條

漢書已郡人服直自稱天王注直一作宜按陳球與應承討
之不克見種嵩陳球傳

列仙傳服閭常止莒有三仙人賭瓜顧閭擔黃白瓜數十頭

教令瞑目及覺乃在方丈蓬萊山取山上珍寶珠玉賣之

集古印謚漢有服霸

杜夔傳舞師服養曉知先代諸舞

魏書盧義僖女臨婚之夕靈太后遣中常侍服景就家敕停
內外惶怖義僖夷然自若

氏姓謚服衷沅江人洪武中任海門縣丞服用休襄元人正
統中任扶溝知縣

福

唐突厥傳武后遣將軍峒夸公福富順為奇兵總管擊虜富

順百濟人按新唐書作富福信統謚引脫富字

唐書熊津都督王文度卒百濟僧道琛故將福信聚眾據周
留城迎故王子扶餘豐于倭國而立之信自稱霜岑將軍殺
道琛專總國兵按福信扶餘豐之從子非福姓

氏族畧宋有福增知江州軍事

元史福壽集慶行臺御史大夫明兵圍集慶城破猶督兵巷
戰死之

江西志福生徐聞人正統中任雩都訓導

王元美別集福時山後人官都督僉事

通州志福文明字霖田東安人以舉人初任通州下車見供
具繁縟輒定章程約束之署邸蕭然儒素舍人子以一刺進
必重扶之即貴勢弗畏也有訟不差隸攝兩造人臨鞫時吏
止抱案立弗敢舞文人或輕生以快所忿或死而與人為難
者皆令自行收瘞以故豪滑無從逞志徵賦刻期示民自輸
臺司欲預徵則曰通民窮無以應或上憲有所訪察吏鼓刀
筆持富人長短蔓引不絕文明輒置不問法簡而愿令度而
恪秉公持平終始不易會入覲便道省墓踰年卒通人立祠
祀之

山西志福海宣德間任山西典史有治績吏民便之
福子氏見英賢傳姓纂

英賢傳齊大夫福子丹見國語按今國語無之

祿 見風俗通廣韻

唐書帝伐遼還吐蕃使祿東贊上書曰天子自將度遼隴城
陷陳指日凱旋雖雁飛于天無是之速夫鶩猶雁也臣謹治
黃金為鶩以獻高七尺中實酒三斛祿東贊死有子曰欽陵
曰贊婆曰悉多干曰勃論兄弟然當國歲入邊盡破有諸羌
羈縻十二州

按元禎文有處士祿汾見全唐文

宋史祿東之淳熙四年以成都路提刑權制置使

宋史忠義傳祿禧為吳曦用趙彥呐殺之

金浦公禪師塔記俗姓馮母祿氏夜夢赤光貫胸覺而有姪

祿氏心許出家

武陟縣志祿存永樂舉人

興文萬壽寺碑祿天壽崇禎年間任建武營指揮討署興文

縣時見之

甘肅志祿萬邦秦安縣貢生

祿失畢氏見唐書

穀 見晉書姓纂路史

襄公二十三年傳齊侯伐衛先驅穀榮御王孫揮召揚為右
莊子臧與穀二人相與牧羊而俱亡其羊問臧何事則挾策
讀書問穀奚事則博塞以遊二人事業不同其亡羊一也
姓源韻譜漢有魯相穀忠按一作穀思

澍令四川屏山縣時緝獲賊穀文兀

穀梁氏見姓苑按穀梁梁字宜从米作梁

風俗通穀梁氏名赤子夏弟子魯人按麋信曰穀梁赤與秦

孝公同時人鄭子六執論云親受子夏七錄云名俶字元始

楊士勛曰受經于子夏為作傳

穀陽氏此姓諸書無今補

左成十六年傳鄆陵之戰穀陽豎獻飲于子反子反醉而不
能見國語穀陽豎愛子反之勞也而獻飲焉以斃于鄆

谷 見姓譜

拾遺記有谷將子學道言于燕昭王曰西王母尋來必語予
虛之術

漢九真太守谷朗碑谷朗未陽人事母以孝聞

漢書谷永字子雲長安人官大司農時語云谷子雲之筆札永本名並以尉氏樊並反改名永父吉為衛司馬送郅支單于侍子被殺

漢書隗囂以王莽平河大尹長安谷泰為掌野大夫

漢書谷崇寇恂姊子為偏將軍賈復欲手刃恂崇曰崇佩劍從有變足以相當

後漢書靈帝時鬱林太守谷永以恩信招降烏潯人十餘萬按此又一谷永也

列仙傳谷春櫟陽人成帝時為郎病死而尸不冷三年更著冠幘坐縣門上邑人大驚家人迎之不肯歸發棺視有衣無尸留門上三宿去之長安止橫門上又去之太白山人為立祠時來止宿

吳志谷利諫孫權乘風泛船權呼之為谷而不名按江表傳谷利本左右給使也以謹直為親近監性忠果亮烈言不苟且權愛信之拜都亭侯

晉書谷儉桂陽人博涉經史元帝時除中節郎尋棄官去

魏書谷渾渾子闡闡孫穎按谷渾字元冲昌黎人道武時以善隸書為內侍左右太武時屢遷侍中儀曹尚書賜爵濮陽

公謚文宣見北史

谷會氏見官氏志

周書遣右武伯谷會琨御正蔡賊聘于齊

後燕錄慕容農部將谷會歸說農畱中山與魏死戰農欲殺歸而惜其材力

北史胡太后于禁中殺鴻臚少卿谷渾會紹達帝所親也

谷邠氏此姓諸書無今補

唐書谷邠律昌樂人淹貫羣書褚遂良稱為九經庫貞觀時為博士遷諫議大夫宏文館學士與劉伯莊賈公彥范義頤

隨德素等共刊定尚書正義從太宗獵遇雨因問曰雨衣當無漏律曰以瓦為之當不漏帝悅其直孫倚相為秘書省正

字讐復圖書多所刊定子崇儀天寶末為右金吾衛大將軍以雄敢聞遂客薊門生子從政畧涉儒書有風操事李寶臣歷定州刺史及惟岳知節度與田悅謀拒命從政諫之不從乃塞門移疾不出疑其怨望日伺之從政懼乃吐血仰藥死按韓思彥游太學事博士谷邠律律為匪人所辱思彥欲殺之律不可

谷蠡氏見路史

谷孤氏見路史

谷渾氏見孔至雜錄

鹿 見風俗通

史記鹿毛壽勸燕王曰人之謂堯賢者以其能讓天下也今王以國讓子之是與堯同名也按以鹿毛為複姓誤劉伯莊曰鹿毛壽人姓名又曰潘壽春秋後語作唐毛壽徐廣曰一作厝毛壽

風俗通漢有巴郡太守鹿旗子孫因家焉

楊震碑陰汝南鹿養伯

魏志明帝時將軍鹿磐討西平麴英之叛破斬之按曹植求祭先王表有博士鹿優

夏錄赫連勃勃有東平將軍鹿奕干斬姚祥于大蘇

南涼錄鹿嵩文武之秀傑

北涼錄鹿壽興濟陰乘氏人仕沮渠茂度為庫部郎後入魏周書鹿縕字處黑西平人身長八尺腰帶十圍清辯善論雄武便弓馬孝友貞亮聲高一時

隨書鹿生乘氏人再為濟南太守有政績魏獻文嘉其能賜驄馬章其廉潔父壽興沮渠牧犍庫部郎子愿念愿為大將

軍與裴矩斬倭帥王仲宣之別將周師舉愈字永吉好兵書
陰陽釋氏之學隨真定公子直鎮梁州不取和糴之潤官尚
書左僕射按愈為魏監軍御史時梁豫章王綜降于魏臨淮
王彧或使愈單騎詣彭城驗其虛實又為黃門郎護蕭贊喪
事

唐書突厥寇原州遣宣州刺史鹿大師救之

唐書鹿晏如代州牙將後據許州自為留後朝廷不能討因
以為忠或節度使後為秦宗權殺又楊復尖部將鹿景如
五代史孟蜀學士鹿虔辰又王建假子宗弁鹿弁也

氏族畧宋鹿志隴西人比部員外郎知虔州鹿穎鹿元規單
州人鹿敏求陳州人均登第

氏姓謚鹿燕秦安人洪武中任東光教諭鹿秀鄭州人永樂
中任邯鄲知縣鹿麟臨朐人天順中任祥符訓導

按本朝嘉慶間山東鹿維基丙辰進士官刑部員外郎出為
雲南嵩明州知州

鹿門氏見姓苑

韓子齊桓公微服而行于民間有鹿門稷者行年七十而無
妻按即韓詩外傳所言處士小臣稷也

鹿皮氏見列仙傳按此非姓宜刪

鹿勃氏此姓諸書無今補

前燕錄慕容儁擊破鄧恒將鹿勃早于鹿魯口按後燕錄冉閔鄧恒將鹿勃早將數千人以襲燕營

鹿桓阿氏見官氏志

腹 見鮑彪國策注

戰國策趙武靈王臣腹擊為室而鉅荆敢言之主謂腹子曰何故為室之鉅也腹擊曰臣竊旅也齋卑而祿輕宮室小而帑不思靈主雖信臣百姓皆曰國有大事擊必不為用今擊

之畢官將以取信于百姓也主君曰善

呂氏春秋墨者有鉅子腹蘧居秦按鉅子猶鉅儒鉅公之稱

腹乃其姓

班超傳焉耆王廣相國腹久懼誅亡入海

陸 見陳畱風俗傳姓纂路史

高士傳楚狂接輿姓陸名通與妻入蜀上峩眉山

陸氏謚齊桓公友子通封陸鄉為侯謚元侯生恭侯發為齊上大夫生二子萬皋皋生邕邕生賈為漢大中大夫萬生烈字伯元為吳令遷豫章都尉既卒吳人思之迎其喪葬于胥

屏亭子孫遂為吳郡吳縣人十世孫閔潁川太守生三子邛
溫威號潁川枝威生績揚州別駕生三子稠逢褒號荊州枝
稠為荊州刺史二子肅謙肅為丹徒令號丹徒枝按宇文泰
時有通直散騎常侍吳郡陸通此三陸通也

漢書陸康字季宣刺史臧旻舉為茂才除高成令遷廬江太
守破賊黃穰等袁術屯兵壽春遣使求委輸兵甲康閉門不
通術遣孫策攻之康病死朝廷愍其守節拜子儁為郎中少
子績字公紀虞翻龐統皆與績友為鬱林太守作渾天圖注
易釋元皆行于世預知亡日按苻秦有陸績字處默西平人

清辯善談論為荊州刺史此又一陸績也

吳志陸凱字敬風官鎮西大將軍荊州牧遷左丞相弟胤字
敬宗為西陵督陸遜官丞相弟瑁字子璋好學篤義與陳國
陳融陳留濮陽逸沛郡蔣篡廣陵袁迪割少分甘遜次子抗
字幼節子晏嗣爵晏弟景元機雲按北魏亦有黃門侍郎陸
凱敵之子也

隨書經籍志毛詩草木蟲魚疏吳陸璣撰璣字元恪吳郡人
官中庶子烏程令

魏書魏主發平城以龍驤將軍代人陸侯督諸軍鎮大磧以

備柔然子麗死乙渾之難麗子敵敵子瑋瑋子琇皆官尚書
孝文受內禪敵傳之故其子皆通顯按此步六孤氏所改也
陸終氏見姓纂

世本老童生重黎及吳回吳回生陸終陸終娶于鬼方氏之
妹曰女嬪是生六子

陸費氏此姓諸書無今補

按本朝浙江有此氏問之其家云本姓陸其祖鬻養于外家
費氏復承費姓因合為陸費氏乾隆時有進士陸費墀官
御史道光時有陸費恩洪官湖北麻城知縣後改名璪官直

隸行唐縣知縣

牧 見風俗通

孟子孟獻子友牧仲狂者牧皮趙岐注牧皮事孔子學者

風俗通漢有越雋太守牧糧按顏籀云枚根亦作牧糧氏族

畧作牧良誤

氏姓謹牧文正汾水人正統中任清流知縣牧義弋陽人景
泰中任興化府推官牧相紹興人弘治進士授南京兵科給
事中論救宣府都御史雍泰

牧師氏見風俗通

牧犢氏此姓諸書無今補

琴操齊宣王時處士牧犢子作雉朝飛操按吳兢樂府古題
要解作沐犢子誤

伏 見姓纂

儒林傳濟南伏生為秦博士傳今文尚書二十九篇按張萼
云伏生名勝紀年云字子賤注尚書大傳三卷

漢書伏孺子理字存君東武人以詩授成帝故齊詩有伏氏
學為高密太守理生湛為平原太守歷大司徒湛字惠公奏
行鄉飲酒孔湛生隆翁咸隆字伯文光祿大夫為張步殺子

援為郎中翕生光光生晨晨謙恭好學位特進湛兄子恭字
叔齊光武時為常山太守明帝時以太僕拜司空恭子壽官

至東郡太守湛弟黯字稚文明齊明時改定章句作解說九
篇位至光祿勳晨子無忌官屯騎校尉采集古今刪著事要
為伏侯古今注八卷子質為大司農質生完屯騎校尉皆賜
爵陽都侯自伏生後世傳經學清靜無競東州號為伏不鬪
伏羅氏此姓諸書無今補

魏書孝靜帝紀興和三年阿至國王伏羅去賓來降封高車

王

伏侯龍氏見姓謹按宜作侯伏侯氏紙韻一作侯伏氏者省
文也此誤宜刪

姓韻卷八十二

或威張 澍篋

屋韻中

宿 見風俗通

孝子傳宿倉舒陳雷尉氏人少有至性七歲遭饑荒賣身于
潁川王氏為奴得大麥九斛以供父母後起家為上黨太守
後尋覓父母經太原南郭見母遂還舊居母卒悲號而死墓
在陳雷縣東四十里

風俗通漢有雁門太守宿詳汝南太守宿中談按郭林宗別

